



Concello de Xove

Expediente núm.: 1016/2025

Procedemento: CONVOCATORIA DE SUBVENCIONS EN CONCORRENCIA NON COMPETITIVA.- AXUDAS A EXPLOTACIONS GANDEIRAS PARA O EXERCICIO 2026

Documento asinado por: A AUXILIAR DE GANDERÍA

Dando cumprimento á Providencia de Alcaldía obrante no expediente e conforme ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, o RD 887/2006, de 21 de xullo; a Ordenanza Xeral de Subvencións do Concello de Xove; e observado o Plan Estratéxico de Subvencións aprobado polo Concello Pleno na súa sesión de 14 de outubro de 2024 (B.O.P. núm. 243 de 21 de outubro de 2024); ao obxecto de potenciar unha gandería de calidade dentro do seu territorio como garantía para os cidadáns obrigados a nutrirse de alimentos e produtos provintes da mesma, formúlase a seguinte:

PROPOSTA DE CONVOCATORIA EN RÉXIME DE CONCORRENCIA NON COMPETITIVA, DAS AXUDAS A EXPLOTACIONS GANDEIRAS PARA O EXERCICIO 2026

PRIMEIRA.- DEFINICIÓN DO OBXECTO

As axudas reguladas na presente convocatoria teñen por obxecto compensar aos titulares de explotacións gandeiras de gando vacún sitas no concello por perdas derivadas da morte da reses, correspondente ao exercicio de 2026.

Entenderase por explotación gandeira o conxunto de bens e dereitos organizados empresarialmente polo seu titular no exercicio da actividade gandeira e que constitúa en sí mesma unha unidade técnico-económica na que se teñan, críen, ou manipulen animais, sen perxuízo da súa división, por razóns técnicas, en diferentes unidades de produción.

Considérase gasto subvencionable o gasto no que pode incurrir durante todo o ano o titular da explotación gandeira pola perda derivada da morte de reses, aínda que esta se producise no exercicio anterior ao da convocatoria.

SEGUNDA.- CRÉDITO ORZAMENTARIO E TRAMITACIÓN ANTICIPADA DO GASTO

A contía máxima destinada ás presentes axudas é de 17.000,00€ (partida 412.479 do Estado de Gastos do Orzamento Municipal). A presente convocatoria suxéitase ao réxime de tramitación anticipada do gasto regulado no artigo 56 do RD 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións e no artigo 15 da Ordenanza Xeral de Subvencións do Concello de Xove. Subordínase polo tanto a autorización do gasto ao crédito para o exercicio no que se autorice no orzamento 2026.

Ao tratarse de un procedemento administrativo que non leva aparelado o esgotamento do crédito nun só acto de concesión senón que a súa disposición se realiza en actos sucesivos, e tal e como dispón o artigo





Concello de Xove

31.4 da Lei 9/2007, de 13 de xuño, de Subvencións de Galicia, no momento do esgotamento da partida orzamentaria asignada non poderán admitirse posteriores solicitudes destinadas a participar del, salvo que se recorra a un incremento do crédito orzamentario ou se recorra a unha nova convocatoria, do xeito establecido no artigo 31.2 da lei anterior.

TERCEIRA.- CRITERIOS DE VALORACIÓN

Sempre e cando se reúnan os requisitos establecidos na presente convocatoria, exceptúase o requisito de fixar unha orde de prelación entre as solicitudes presentadas non sendo necesario polo tanto a comparación entre as mesmas, co límite do crédito orzamentario existente para a convocatoria.

Consonte ao establecido no artigo 30.7 da LXS, as subvencións que se concedan en atención á concorrencia dunha determinada situación no perceptor, non requirirán outra xustificación que a acreditación, por calquera medio admisible en dereito, de dita situación previamente á concesión, sen prexuízo dos controis que poidesen establecerse para verificar a súa existencia.

CUARTA.- CONTÍA DAS AXUDAS

A axuda alcanzará como máximo un número de dez reses por explotación, neste ano 2026 (ou ata esgotar a partida orzamentaria), e varía en función da idade do animal de acordo co seguinte baremo:

IDADE	AXUDA €
Menos de 1 mes	120
Entre 1 e 6 meses	200
Entre 6 e 9 meses	300
Entre 9 meses e 2 anos	400
Entre 2 e 4 anos	500
Entre 4 e 7 anos	400
Entre 7 e 10 anos	300
Entre 10 e 14 anos	200
Máis de 14 anos	0

QUINTA.- BENEFICIARIOS

Poderán solicitar as axudas recollidas na presente Convocatoria as persoas físicas ou xurídicas que consten como titulares da explotación gandeira e estean censados todos os seus membros (no caso de persoas xurídicas) no Concello de Xove e que a explotación se atope dentro no termo municipal (CEA 27025.....).

O solicitante deberá estar ao corrente do pagamento dos tributos do Concello de Xove e a tal efecto a formulación de solicitude da axuda presupón a autorización para recadar a información que verifique o cumprimento de tal extremo.

SEXTA.- REQUISITOS DO GANDO OBXECTO DA AXUDA

Para ter dereito á subvención no que atinxe a gando comprado, deberá ter una estadía mínima de dous meses na explotación do solicitante.





Concello de Xove

SÉTIMA.- DOCUMENTACIÓN A PRESENTAR POLOS SOLICITANTES

- Modelo de solicitude a facilitar polo Concello.
- DNI ou CIF do solicitante.
- Certificado de empadramento ou autorización do solicitante para comprobar os seus datos no Padrón de habitantes municipal.
- Impreso oficial acreditativo da recollida do animal morto para o seu traslado á planta de residuos homologada.
- Documentación acreditativa da titularidade da explotación (carta de saneamento actualizada, DIB do animal para o cal solicita a subvención, libro de explotación).
- Certificado da entidade bancaria indicando o número de conta do solicitante.
- Declaración xurada de non ter solicitada ou concedida ningunha outra axuda para a mesma finalidade de ningunha Administración Pública, no modelo facilitado polo Concello.
- Declaración responsable por parte do beneficiario de non estar incurso en ningunha das prohibicións sinaladas nos números 2 e 3 do artigo 13 da Lei Xeral de Subvencións.

A presentación da solicitude de axuda implicará a autorización ó Concello de Xove para obter calquera tipo de información a través de entidades públicas ou privadas, sobre os datos do solicitante ou do gando necesarios para determinar ou non a obtención da axuda.

OCTAVA.- PRAZO E LUGAR DE PRESENTACIÓN DE SOLICITUDES

Os interesados en acceder ás axudas deberán solicitalo no impreso normalizado facilitado polo Concello.

As solicitudes atoparanse a disposición dos interesados e poderán presentarse nas dependencias da Concellalía de Agricultura e Gandería e dirixirse ao Alcalde-Presidente do Concello de Xove.

O prazo de presentación das solicitudes será todo o exercicio. As solicitudes deberán presentarse antes de que transcurran 2 meses dende a data da morte do animal obxecto de axuda.

NOVENA.- INSTRUCCIÓN, TRAMITACIÓN DO PROCEDEMENTO

1.- As solicitudes de axudas reguladas nas presentes Bases deberán conter toda a documentación que nas mesmas se regula.

Se a solicitude non estivese debidamente cuberta ou non se achegase a documentación esixida, requirirase á persoa solicitante para que no prazo de 5 días emende a falta ou achegue os documentos preceptivos, coa advertencia de que, se así non o fixese, se considerará desistido da súa petición, logo de resolución que deberá ser ditada nos termos previstos.

2.- A instrución do procedemento corresponderá ao Departamento de Agricultura, Gandería e Montes, órgano que ditará o Informe-Proposta de Resolución debidamente motivada, que en cada caso proceda e que realizará de oficio cantas actuacións estime necesarias para a determinación, o coñecemento e a comprobación dos datos en virtude dos





Concello de Xove

que se debe formular a proposta de resolución.

A competencia para coñecer e resolver as solicitudes de axudas corresponderá á Xunta de Goberno Local.

3.- Poderase proceder á anulación do saldo de crédito autorizado xunto co acordo ou resolución de concesión da última solicitude que se presente no exercicio, sen prexuízo das reclamacións que poidesen presentarse, debendo o órgano xestor facer mención a este extremo no seu informe-proposta.

DÉCIMA.- MODIFICACIÓN DA RESOLUCIÓN DE CONCESIÓN

Toda alteración das condicións tidas en conta para a concesión da subvención poderá dar lugar á modificación da resolución de concesión e eventualmente á súa revogación e reintegro, se fose o caso.

UNDÉCIMA.- TRAMITACIÓN E PAGO.

O pago das axudas realizarase mediante transferencia bancaria, en función das disponibilidades da tesourería municipal, unha vez que a Xunta de Goberno Local adopte acordo aprobatorio da concesión das mesmas.

Será requisito indispensable para o libramento da axuda aportar a seguinte documentación:

- Certificado acreditativo de estar ao corrente no cumprimento das obrigas tributarias co Concello de Xove.
- Declaración doutras axudas obtidas para a mesma finalidade, no modelo normalizado.
- Certificación acreditativa do cumprimento dos requisitos, obrigas e condicións necesarias para a obtención da bolsa, no modelo normalizado.

DUODÉCIMA.- OBRIGAS DOS BENEFICIARIOS

Son obrigas dos beneficiarios das axudas as seguintes:

- 1.- Consignar fielmente a documentación e os datos esixidos na presente Convocatoria.
- 2.- A presentación da solicitude obriga ó solicitante á aceptación das Bases que rexen o Procedemento.
- 3.- Someterse ás actuacións de comprobación que, en relación coas axudas concedidas, se practiquen polo órgano concedente.

DECIMOTERCEIRA.- VERIFICACIÓN E CONTROL

As adxudicacións deste tipo de axudas poderán ser revogadas total ou parcialmente, se teña aboado ou non o seu importe, no caso de descubrirse que na súa concesión concurríuse en ocultación ou falseamento de datos.

DECIMOCUARTA.- INFORMACIÓN AOS/ÁS BENEFICIARIOS/AS

As presentes axudas están incluídas no ámbito de aplicación da Lei





Concello de Xove

38/2003, de 17 de novembro, xeral de Subvencións, polo que o Concello de Xove é un órgano obrigado a facilitar información da concesión das presentes axudas á Base de Datos Nacional de Subvencións.

Non obstante, e de acordo co establecido no artigo 4 del RD 130/2019, polo que se regula a Base de Datos Nacional de Subvencións e a publicidade das subvencións e demais axudas públicas, non será obrigatorio suministrar por parte do Concello información das resolucións de concesión das axudas nin do pago das mesmas sempre e cando o importe anual outorgado a un mesmo beneficiario/a non supere a contía total de 100,00 euros.

A Auxiliar de Agricultura

DOCUMENTO ASINADO DIXITALMENTE

